



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioannis Tritemii Tractatvs De Sacerdotvm Vita Recte
Institvenda**

Trithemius, Johannes

Coloniæ Agrippinæ, 1655

Qualis debeat esse Sacerdos in conversatione interna. Caput VII.

[urn:nbn:de:hbz:466:1-46533](#)

*Qualis debeat esse Sacerdos in
conversatione interna.*

C A P U T VII.

Quoniam verò non sufficit
ministro Christi hone-
stam coram hominibus con-
versationem ducere, nisi coram
Deo ab omni scelere mundus
studeat apparere, exhortor te
ut cor tuum in timore Omni-
potentis dirigas, *A.* & nullas
unquam contra Deum cogita-
tiones admittas.

Oportet enim Sacerdotem
Dei sanctum esse, *B.* mente &
corpore, & mundum in cogi-
tatione. Hinc Dominus dicit:
Sancti estote, quoniam ego
sanctus sum, Dominus Deus
H 5 vester,

164 DE SACERD. VITA

vester, qui sanctifico vos. Et Petrus Archi apostolus dicit: Vos genus electum, regale Sacerdotium, gens sancta, populus acquisitionis, ut virtutes annuncietis ejus, qui de tenebris vos vocavit, in admirabile lumen suum.

3. Primum in corde tuo locum charitas obtineat, C. quæ plenitudo legis est, & consummatio Prophetarum. Omnium enim virtutum maxima est charitas, quæ in dilectione Dei & proximi consistit.

4. Deus autem ex toto corde propter se diligendus est, & proximus propter Deum. Nemo autem veraciter Deum diligit, si in fide proximum odit. Christus enim Deus & homo est.

est. Totum ergo Christum non diligit, qui hominem odit. Nullum opus bonum Deus accipit, nisi quod flamma charitatis in ara cordis accendit: Charitas enim virtutum omnium obtinet principatum.

Hanc humilitas sequitur, D. 5.
quæ virtutum custos memora-
tur. Hujus tanta est eminentia
virtutis, ut omnis alia cito pe-
reat nisi humilitatis fundamen-
to roboretur. Dicit enim san-
ctus Papa Gregorius: Qui sine
humilitate virtutes congregat,
quasi pulverem in ventum por-
tat. Unde enim ferre aliquid
cernitur, inde gravius cœcatur.

Maximum ergo Sacerdotis 6.
ornamentum charitas est, &
preciosissimum in veste illius

H 6 mar-

margaritum , humilitas. Tu quoque (frater) has geminas in te virtutes exprime , & fructuosus in Ecclesia Dei prædicator eris. **Quicquid** dixeris , facile persuadebis auditoribus , si charitatem & humilitatem habeas in corde , seduloque demonstres in opere.

7. Locum non habeat in corde tuo maledicta ambitio , *E.* quæ adeò mentem , quam semel invaserit , excæcat , ut Dei salutisque propriæ oblivionem inducat. Esto Christianus amator hominum , & hostis vitiorum. Serva mandata Dei , & Ecclesiasticas sanctiones noli negligere. Honora omnes homines propter Deum , & neminem unquam duxeris contemnendum.

Quod

C A P V T VII. 167

Quod tibi fieri non vis, alteri ne feceris. Sol non occidat super iracundiam tuam. Divitum adulaciones fugito, & peccatores ne aliquando palpaveris. Abnega temetipsum, F. desideriis tuis, ut discipulus Christi efficiaris.

Castiga corpus tuum, juxta Apostolum in servitutem redigens, delicias sperne, castum ama jejinium. Pius esto in pauperes, esurientem ciba, nudum vesti, infirmum visita, captivum libera, consolare tristem, sepeli mortuum.

Mundum noli diligere, G. 10. divitias noli quærere, post vanitatem noli currere. Nemo enim militans Deo negotiis secularibus se implicat. Nemini

H 7 ni

ni feceris injuriam , sed disce
patienter ferre illatam , exem-
plo Domini tui , qui pendens
in cruce , pro persecutoribus
suis exoravit , ut non perirent.
Pacem cum omnibus homi-
nibus habeas , *H.* concordiam
& unanimitatem duntaxat
cum devotis.

III. Non sis superbus & arro-
gans , non somnolentus & pi-
ger , non vinolentus & mul-
tum edax , non obloquutor
& temerariè quemquam judi-
cans. Custodi actus tuos omni
horâ , & memoria futuro-
rum in cogitatione tua sem-
per versetur. Dicit enim scri-
ptura : Fili memorare novissi-
ma tua , & in æternum non
peccabis.

Sem-

Semper itaque moriturum 12.
te cogita, *I.* diem judicii ti-
me, inferni tormenta expa-
vesce. Si hæc feceris, omnes
tentationes carnis facilè supe-
rabis. Spernæ voluptates mun-
di, ut ad supernæ fœlicitatis
gaudia valeas introire gaudens.
Noli decipere animam tuam:
nemo potest hîc gaudere cum
mundo, & postea regnare cum
Christo. Per multas enim tri-
bulationes, *K.* oportet nos in-
trare in regnum Dei. Spretis
itaque præsentibus, omni desi-
derio ad æterna gaudia festine-
mus.

Omni custodiâ serva cor
tuum, quoniam ex ipso vita
procedit. Si aliquo delicto præ-
occupatus fueris, non tardes
pœni-

170 DE SACERD. VITA

pœnitentiæ remedia quære-
re , & per veram contritionem
te in confessione expurgare.
Contende per angustam viam
ad vitam ingredi , hoc est ,
carnis desideria non perficere ,
mundum odire , spiritu vivere.

14. Ad militandum Deo con-
tra vitia carnis vocatus es , noli
ante victoriam quiescere , noli
à pugna desistere : quia nemo
coronabitur nisi viator. In hac
autem vita non est certa vi-
ctoria , sed continua pugna.
Qui perseveraverit usque in
finem , salvus erit. In fine suo
comprobabitur vir. L.

15. Militia est vita hominis su-
per terram. Miles enim sum-
mi Regis es , M. non licet tibi
agonem illius deferere. Bonus
miles

C A P V T VII. 171

miles Regem suum quocunque ierit, sequitur. Ubi ergo est Rex tuus? In cœlo: Cur illum non sequeris?

Quid facies in terra, si miles es Regis superni cœlestis? Quare Dominum tuum non sequeris? Ipse enim dicit: Qui mihi ministrat, me sequatur, & ubi ego sum, illic & minister meus erit. Sequatur, inquit, non gressibus pedum, sed passibus affectionum.

Apostolus quoque dicit: 17.
Nemo militans Deo implicat se negotiis secularibus, N. ut ei placeat, cui se probavit. Sicut ergo qui militant Regi terreno, omnibus jussis ejus obediunt, & quocunque mittuntur, parati & prompti sunt, nullâ

172 DE SACERD. VITA

nullâ se uxoris vel liberorum
gratiâ excusantes , ita militem
Christi mandatis ejus in om-
nibus oportet obedire , & in
nullo penitus se excusare.

18. Tu ergo , qui coronam im-
marcescibilem victoriæ expe-
ctas , labora sicut bonus miles
J e s u Christi , O. nulla terrenæ
solicitudinis cura te aggrebet ,
nulla carnis voluptas mentem
illecebrâ tangat.

19. Nihil enim Christi milite
fœlicius , cui promittuntur re-
gna cœlorum : nihil laborio-
sius , qui quotidie de vita peri-
clitatur : nihil fortius , qui vin-
cit diabolum : nihil imbecil-
lius , qui carne superatur.

20. Non te domus avocet , non
parentela impediat , non caro
con-

C A P V T VII. 173

constringat. Volo te sine sollicitudine esse, ut liberè cogites quæ D E I sunt. Nudus & expeditus ad cœlum vola, *P.* quia nudum te mater genuit, nudum terra suscipiet.

Ama quod non perdas, contemne quod tenere non prævales, quære, quo in æternum fœliciter gaudeas. Ita vive, ut mori non timeas. *Q.* Bona conscientia mortem non metuit: quia per illam se ad æterna cœlestis Patriæ gaudia venturām esse cognoscit.

Habes nunc (amantissime frater) quod à me postulasti, habes aliqualem bonæ conversationis formulam, cui imprimarisi, habes sanctæ exhortationis normam, ad quam sedulo

174 DE SACERD. VITA
lo possis habere recursum. Fe-
ci quod potui, non quantum
volui.

23. De reliquo vive secundum
Evangelium, & constitutiones
sanctorum Patrum, in quibus
omnis perfectionis Christia-
næ forma conspicitur. Vale;
memor nostri. Ex Spanheim.
Kalendis Aprilis. Anno 1486.

Notæ.

A. **C**or tuum in timore omnipoten-
tis dirigas) Nisi enim, scri-
bit S. Basilius in ps. 33. Timor in-
stituendæ vitæ nostræ rudimenta ja-
ciat, impossibile fuerit castitatem,
sanctimoniamque legitimè obser-
vari; Confige, inquit David, ti-
more tuo carnes meas: itaque quo-
rum animam occupavit Dei Timor,
omnem prorsus importunitatem
pec-

C A P V T VII. 175

peccati, & obſtreperam occaſionem vitant.

B. Oportet enim Dei Sacerdotem sanctum esse) Ex S. Augustino. O Sacerdotes, si anima cuiuslibet justi ſedes Dei ſit, multò magis ſedes & Templum Dei eſſe debetis mundum, & immaculatum : ſi ſepulchrum ejus gloriosum eſt, in quo corpus jacuit exanime ; gloriosiora debent eſſe corpora veftra, quæ à morte fuſcitatus quotidie dignatur inhabitare.

C. Primum in corde tuo locum habeat Charitas) Rectè etiam S. Proſper ait, Charitatem affectionum omnium eſſe potentissimam, in omnibus ſemper invictam, actionum bonarum ſummam, ſalutem morum, finem cæleſtium præceptorum, mortem criminum, vitam virtutum.

D. Hanc humilitas ſequitur) Co- gitas, inquit S. Auguſtinus. Serm. 10. de verbis Domini, magnam fabri-

fabricam construere celsitudinis
(Charitatis in Deum) de fundamen-
to prius cogita humilitatis ; Chari-
tas enim non inflatur, non est ambi-
tiosa. Porro Deus Charitas est, sed
Deus ipse superbis resistit, eosque
abominatur, ergo cum sola humi-
litate Charitas & Deus haberi po-
test.

E. *Locum non habeat ambitio*) S.
Cyprianus lib. de jejun. & tent. so-
llerter advertit. Etiam in sinu Sacer-
dotum ambitio dormit, ibi sub um-
brâ recubat; in secreto thalami frau-
dulenter se occultat. Hæc sacrilegii
forma per omnia officia, gradusque
discurrit, & nihil intentatum ambi-
tio relinquit: nec dubitet quisquam
diaboli hæc esse negotia, & nun-
dinationis ejus, quicunque hæc
exercent commercia.

F. *Abnega temetipsum*) Abnega-
tio sui est ipsa mortificatio amoris
proprii, aliarumque sensualitatis
passionum refrænatio & vis, ac vio-
lentia,

C A P V T VII. 177

lentia, quam sibi ipsi quilibet inferre debet, si cœlum rapere cupiat.

G. *Mundum noti diligere*) Mundum, interprete Cornelio à Lapide in cap. 15. Ioann: v. 19. diligere dicitur, qui diligit opes, honores, delicias, magnam nominis sui æstimationem, voluptates; sic enim faciunt mundani homines, qui non sapiunt, nec mentem seriò attollunt ad ea, quæ Dei sunt & ad salutem æternam conducibilia existunt, & hoc sensu auctor merito dicit, Mundum diligere noli. vide Thom: de Kemp. l. 3. c. 10.

H. *Pacem cum omnibus habeas*) Est namque Pax, S. Augustino contestante, Serm: de Verbis Domini, serenitas mentis, tranquillitas animi, simplicitas cordis, vinculum amoris, consortium charitatis. Imò Veritate ipsâ apud Matth. c. 5. de prædicante, est altissima beatitudo, & felicitas, quæ sectatores suos facit Dei filios, Deo simillimos, Deo charissi-

178 DE SACERD. VITA

rissimos, & plenissimè hæredes Dei
in cælesti gloria , Christique cohæ-
redes , uti pluribus explicat more
suo eleganter Cornelius à Lapide.

I. Semper mori turum te cogita)

Non minus de fide est , quod sit
Deus unus & trinus , quam quod
novissimorum memoria efficax sit
contra peccata quævis remedium.
Idem enim ille Spiritus , Doctor in-
fallibilis veritatis, qui prius dictavit,
& revelavit , etiam hoc posterius in
calamum misit Jesu Filio Sirach in
Ecclesiastico , c. 7. hisce verbis : In
omnibus operibus tuis memorare
novissima tua , & in æternum non
peccabis : vel certè non semper , aut
diu in peccatis persistes : cur non
utimur tam parabili medio ?

K. Per multas tribulationes) Quæ-

*so te, legas iteratò & sæpius aureum
caput 12. lib. 2. Thomæ de Kemp.
experieris in te mirabilem mutatio-
nem ; neque plura adducere consul-
tum est , cum libellus ille omnium
mani-*

A C A P V T VII. 179

manibus teratur , & nefas propè es-
set, eum non penes se habere , cum
quotidiano pane sit utilior, & æquè
necessarius.

L. In fine suo comprobabitur Vir)
Finis quippe, ut vulgare verbum ha-
bet , coronat opus : & de fide est,
ex Conc. Trid. fess. 6. c. 13. & can.
16. quod finalis perseverantia non
sit in nostrâ potestate ; sed est pu-
rum donum Dei hoc ut consequa-
mur, ejusque capaces nos reddamus,
tam sollicitè adhortantur SS. Pa-
tres , ut quidquid possint operari
manus nostræ , hoc inde sinenter fa-
ciamus : Dominus enim, ait Cypria-
nus Martyr, nobiscum est, quamdiu
cum ipso sumus : adeoque eodem
adhortante : Insistendum est, & per-
severandum in fide & virtute , &
spiritualis gratiæ consummatione ,
ut ad palmam , & coronam possit
perveniri.

*M. Miles enim summi Regis es) Et
quidem spiritualis , vi vocationis*

I. tuæ

180 DE SACERD. VITA

tux uti cap. 4. litt. D. expendimus.
Istis adde ex S. Gregorio Nazianzeno ep. ad Episcopos. O Sacerdotes Dei, incruenta sacrificia mitten-
tes! O illustres animarum custodes!
O Magni Dei figmentum vestris
manibus gestantes! O Deum homini-
bus conciliantes! O Mundi fun-
damenta, Christianæ fidei colum-
na, immortalis vitæ Doctores &
ductores!

*N. Nemo militans Deo implicat se ne-
gotiis sacerularibus*) Cornelius in hunc.
locum, qui est in 2. ad Timot. c. 2.
ex Tacito, Dione, Tertuliano tradit,
olim milites adeo ab aliis negotiis
abstinuisse, ut nec nubere illis licue-
rit: Hinc rectè adjungit ex mente
Apostoli, Episcopos, Parochos, &c.
totos debere sacrificiis & orationi-
bus, templique ministeriis, ac Ver-
bo Dei insistere. Clerici se ipsos
propter temporalia odiosos ne red-
dant. Sed si quid fieri debet in hoc
genere, per tertium potius faciant.

O. L.

O. Labora, sicut bonus miles Christi) Ex græco habetur : Mala perfer, dura tolera: Exemplo tum militum, tum Christi ; militis enim est multa, & acerba pati : & Christus nos in Militiam , ad suum Crucis vexillum evocavit , suaque cruce signavit , & auctoravit milites suos. Fortia ergo agere Romanum est, ut ajebat Scævola; sed fortia pati Christianum est. Ita Cornelius hoc loco.

P. Nudus, expeditus ad cœlum evola) Nudus videlicet à malis cupiditatibus tuis , ut explicat S. Augustinus ; angusta enim porta est, & arcta via , quæ dicit ad vitam ; hoc iteratò prædicit ipse Dei Filius , Matth. c.7. quâ,gula, libido, avaritia,&c. penetrare non possunt. Sæpius etiam relege lectiones secundi Nocturni, Dominicæ infra octavam ascensionis Domini , ex S. Augustino desumptas.

Q. Ita vive , ut mori non timeas) Hoc fiet tunc , quando versiculum
I 2 istum

182 DE SACERD. VITA

istum re ipsâ comprobaveris : Fac modo, quæ moriens facta fuisse ve-
lis : Ille enim felix , & prudens est,
ait Thomas de Kemp. l. 1. c. 23. n.
4. qui talis nunc nititur esse in vita,
qualis optat inveniri in morte. Uno
verbo , age illa constanter , quæ vo-
catio tua Sacerdotalis requirit , &
mortem non timebis sed latus tunc
Denarium laboris tui , promissam-
que à Deo mercedem illam ineffa-
bilem , & gloriæ coronam immar-
cescibilem expectabis, & certo cer-
tius reportabis.

F I N I S.